

Headline	Kolej ShahPutra perkenal lapan kursus baru	Language	MALAY
Date	26. Mar 2008	Page No	23
Media Title	Berita Harian	Article Size	196 cm²
Section	Pendidikan	Frequency	Daily
Circulation	217920	Color	Full Color
Readership	2083000		



Kolej ShahPutra perkenal lapan kursus baru

KOLEJ ShahPutra memperkenalkan lapan program baru peringkat diploma dan ijazah yang dilaksanakan dengan kerjasama Universiti Teknologi Mara (UiTM), Universiti Teknologi Malaysia (UTM) dan Universiti Putra Malaysia (UPM), tahun ini.

Pengerusi Eksekutifnya, Datuk Dr Azman Zaini Abdul Ghanie, berkata daripada jumlah itu empat program dengan kerjasama UiTM iaitu Diploma Komunikasi dan Media, Diploma Sains, Diploma Seni Lukis dan Seni Reka (Seni Reka Perindustrian) serta Diploma Kejururawatan.

Katanya, tiga lagi diploma bersama UTM iaitu Diploma Seni Bina, Diploma Pengurusan Harta Tanah dan Diploma Ukur Bahan, manakala satu peringkat ijazah pertama de ngan UPM.

Sambil mempelawa lulusan Sijil Pelajaran Malaysia, Sijil Tinggi Sekolah Malaysia (STPM) dan lepasan diploma merebut peluang itu, beliau menjelaskan kira-kira 4,500 tempat untuk mengikuti keseluru-

han 15 program peringkat diploma dan ijazah ditawarkan kolej berkenaan tahun ini.

"Program diploma ini terbuka kepada lulusan SPM dengan kelayakan minimum lima kredit termasuk Bahasa Melayu kecuali Diploma Ukur Bahan UTM yang mensyaratkan kelulusan tiga kredit termasuk Bahasa Melayu.

"Satu-satunya program ijazah pertama ialah Bachelor Pengurusan Perniagaan UPM. Untuk mengikutinya, calon perlu memiliki diploma atau kelayakan setaraf, selain lulus SPM dengan kepujian Bahasa Melayu, lulus Matematik dan Bahasa Inggeris serta Malaysian Universiti English Test.

"Bagi lepasan STPM, mestilah lulus gred C bagi Pengajian Am dan sekurang-kurangnya C dalam Matematik/Ekonomi/Geografi/Perakuan/Pengajian Perniagaan," kata nya ketika dihubungi semalam.

Azman Zaini berkata, penawaran diploma dan ijazah itu membuktikan keupayaan Kolej ShahPutra menawarkan program pengajian setanding universiti terbabit termasuk dari segi kurikulum, soalan dan periksaan akhir, tugas dan pemeriksaan serta pemarkahan.

Program ditawarkan Kolej ShahPutra kini, katanya, ialah empat diploma UiTM dalam bidang Pengurusan Pelancongan, Seni Lukis dan Seni Reka (Fesyen), Pengurusan Teknologi Pejabat dan Pengajian Sukan.

"Dua program UPM iaitu Diploma Pengurusan Perniagaan dan Diploma Sains Komputer serta satu diploma UTM, Diploma Sains Komputer (Multimedia)," katanya.

Katanya, permohonan bagi kemaskuhan April hingga Julai bagi semua program kini dibuka kepada calon berkelayakan. Maklumat lanjut, la yari laman web: www.kolejshahputra.edu.my atau hubungi 09-573 7777.

*Pelajar ShahPutra
berpeluang
mendapat
pembentukan
pendidikan yang
diuruskan kolej
dengan Perbadanan
Tabung Pendidikan
Tinggi Nasional,
Mara dan
yayasan negeri"*

Dr Azman Zaini
Pengerusi Eksekutif Kolej ShahPutra